



**Memoria económica e de transparencia do convenio para concesión dunha subvención directa entre a Axencia Galega de Desenvolvemento Rural (Agader) e o Concello de Pontedeva para o proxecto senlleiro "*Obras de canalización de augas de regadío en Trado*", orientado a garantir o subministro, mellorar a recollida e distribución de auga a todas as parcelas, así como reducir as labours de limpeza e mantemento na zona**

**Expediente:** CNV21\_15

### **PRIMEIRO.- Antecedentes e obxectivos**

A Axencia Galega de Desenvolvemento Rural (en adiante, Agader), con CIF Q-1500273F, creouse pola disposición adicional sexta da Lei 5/2000, do 28 de decembro, de medidas fiscais e de réxime orzamentario e administrativo (DOG núm. 251, do 29 de decembro). Segundo o artigo 6 da Lei 11/2021, do 14 de maio, de recuperación da terra agraria de Galicia (DOG núm. 94, do 21 de maio), a Agader é unha axencia pública autonómica, de conformidade coa Lei 16/2010, do 17 de decembro, de organización e funcionamento da Administración xeral e do sector público autonómico de Galicia, coa consideración de medio propio e servizo técnico da Comunidade Autónoma de Galicia, que actúa como instrumento básico na promoción e coordinación do desenvolvemento do territorio rural galego, co obxectivo de mellorar as condicións de vida dos seus habitantes e de evitar o seu despoboamento a través, entre outras, das medidas de recuperación da terra agroforestal de Galicia reguladas na citada Lei 11/2021.

De conformidade co disposto nesta normativa, compete a Agader, entre outras funcións:





- Elaborar estratexias e plans integrados de valorización do medio rural, que coordinen actuacións de diversa natureza e contén coa participación dos axentes socioeconómicos públicos e privados.
- Artellar proxectos de desenvolvemento rural con carácter piloto e innovador, dirixidos al reforzamento da base produtiva das áreas rurais, á valorización dos seus recursos e á mellora da calidade de vida dos seus habitantes.
- Promover e favorecer a cooperación entre os axentes públicos e privados cuxas actuacións incidan directa ou indirectamente no desenvolvemento das zonas rurais
- Contribuír ao reforzamento del tecido social e á mellora da capacidade organizativa das áreas rurais.
- Aplicar outras medidas e actuacións que teñan por obxecto, en particular, a dinamización do tecido produtivo e á fixación de poboación nas áreas rurais.

Neste marco, e na liña de exercicios precedentes, Agader pretende apoiar aqueles proxectos senlleiros que, pola súa transcendencia turística, económica, cultural – tamén etnográfica e patrimonial-, e/ou paisaxística incidan tanto na preservación dos valores sociais do rural e da propia relación dos seus habitantes co seu medio, como na mellora dos servizos educativos, turísticos culturais e de lecer, fortalecemento do orgullo rural, da potenciación do interese polo territorio e polo tanto do seu desenvolvemento.

Trátase de proxectos que inciden de forma directa na mellora da calidade de vida da poboación rural, co fin de facer desta contorna un lugar máis atractivo e dinámico, co fin último de atraer e fixar poboación e promover o desenvolvemento do tecido produtivo.

Con este horizonte actuarase nas estruturas e infraestruturas descritas nos propios convenios, por considerar que son uns dos alicerces nos cales se deben soste as políticas de fixación de poboación durante os vindeiros anos.





Por outro lado os concellos, como entidades máximas da representación do seu territorio, eríxense como referentes na potenciación de actuacións que favorezan o desenvolvemento do seu entorno. Estes proxectos senlleiros na Comunidade Autónoma reforzan tanto o potencial do concello como entidade coordinadora do desenvolvemento socioeconómico do seu territorio, como o su potencial territorial como unidade xeográfica.

## **SEGUNDO.- Xustificación do interese público e social da actuación proposta**

Nos termos previstos no artigo 19.4 da Lei 9/2007, do 13 de xuño, de subvencións de Galicia, poderán concederse de forma directa, con carácter excepcional, as subvencións nas que se acrediten razóns de interese público, social, económico ou humanitario, ou outras debidamente xustificadas que dificulten a súa convocatoria. A Agader e os concellos son conscientes da necesidade de favorecer a contorna rural, a preservación do patrimonio que alberga e a promoción do seu potencial turístico e económico, de xeito que se mellore tanto a calidade de vida da poboación, mediante unha adecuación oferta no ámbito do ocio, o deporte, a cultura, e/ou sectores produtivos e se preste unha completa gama de servizos básicos que melloren as condicións de sociabilización e interrelación das parroquias rurais de Galicia dende a premisa principal de garantir a existencia das infraestruturas básicas para elo e mellorar a estrutura do territorio para fixar a poboación do rural galego.

Neste caso, o proxecto do Concello de Pontedevea redunda na poboación local beneficiaria deste tipo de infraestruturas, e implica á poboación beneficiaria para a acondicionamento con carácter uxente das infraestruturas existentes.

Co este proxecto, o concello procura a rendabilización sociocultural e económico de elementos no territorio, que permitirá preservar e potenciar a zona e a calidade de vida dos seus habitantes.





Para levar acabo a actuación proposta, o Concello de Pontedevea presentou a Agader un proxecto cun orzamento desglosado para levar acabo no marco do convenio referenciado no encabezamento.

Nesta memoria descríbense as actuacións e investimentos que se pretenden realizar que consisten en síntese:

As actuacións que se pretenden realizar son as definidas no proxecto que se incorpora ao expediente, tales como:

- Limpeza e desbroce do rego con retirada de fangos, pedras, plantas, troncos, etcétera
- Excavación manual de terras con depósito
- Nivelación do canal con terra
- Asento e colocación de tubos de saneamento
- Colocación de arquetas

### **TERCEIRO.- Financiación**

Para poder levar acabo estas actuacións, a Agader e o Concello de Pontedevea pretende levar acabo un convenio para a concesión dunha subvención directa para o proxecto arriba referenciado por un período de vixencia que abrangue dende a data da súa sinatura e ata o 10 de decembro de 2021.

- PROXECTO "*Obras de canalización de augas de regadío en Trado*" no Concelo de Pontedevea.
- ORZAMENTO 2021: trinta e tres mil dous centos setenta e sete euros con setenta e seis céntimos (33.277,76 €).
- Aplicación orzamentaria 14.A1.712A.760.0 –(Agader- 02.01-17/03/00-656701) –Código proxecto 2017 00003 dos orzamentos de Agader para o ano 2021 "*Actuacións senlleiras de mellora do patrimonio rural*".





Actividades a desenvolver:

Unidades	Concepto	Prezo Ud	Total
<b>Instalación rego</b>			
106,56	Zanxa Saneam.a man	11,17 €	1.190,28 €
888	Canalización SAN. PVC.	21,94 €	19.482,72 €
36	Arqueta rexistrable prefabricada	38,63 €	1.390,68 €
12	Arqueta rexistrable prefabricada	47,59 €	571,08 €
<b>Total capítulo 01, REGO</b>			<b>22.634,76 €</b>
1	<b>Seguridade e saude</b>	309,00 €	309,00 €
			<b>309,00 €</b>
30	<b>Xestión de residuos</b>	5,58 €	167,40 €
			<b>23.111,16 €</b>
<b>Orzamento de execución material</b>			<b>23.111,16 €</b>
Gastos xenerais	13%		<b>3.004,45 €</b>
Beneficio industrial	6%		<b>1.386,67 €</b>
I.V.E	21%		<b>5.775,48 €</b>
<b>Orzamento total por contrata</b>			<b>33.277,76 €</b>

Nos termos previstos no artigo 26 da Lei 9/2007, do 13 de xuño, de subvencións de Galicia, as subvencións previstas canalizaranse a través de convenios subscritos con concellos, en canto entidades beneficiarias das axudas previstas.

Na tramitación administrativa destes expedientes incorporaranse os seguintes informes:

- Informe da D.X de Orzamentos
- Informe da Asesoría Xurídica Xeral
- Informe da Intervención Xeral da Comunidade Autónoma.

Por todo o exposto, estímase xustificada a utilización do instrumento do convenio para articular as actuacións de referencia, quedando o devandito convenio fora do ámbito de aplicación da Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do





Parlamento Europeo e do Consello 2014/23/UE y 2014/24/UE, do 26 de febreiro de 2014, con independencia de que, de acordo co previsto no artigo 4 da devandita norma, lle sexan de aplicación os principios desta Lei para resolver as dúbidas e lagoas que puidesen presentarse.

Para a tramitación deste convenio, tense observado o cumprimento dos requisitos establecidos na Lei 40/2015, do 1 de outubro, de réxime xurídico do sector público.

Santiago de Compostela, na data da sinatura dixital.

A directora xeral de Agader

Inés Santé Riveira

